

民國五年重修

淮陽縣志

卷首 圖經

卷一

地輿志上

星野 沿革 表附 疆域 村保集鎮附 山水 碑口附

卷二

地輿志下

古蹟 冢墓附 風土

卷三

籍賦志 戶口 丁地 征解 留支 蠲緩 雜稅 鹽引

卷四

建置志 城池 宮署 壇廟 坊表 橋梁

卷五

學校志

學宮 勸學所

學署 學校

學額

學田

書院

義塾

卷六

經政志

秩祀

禮儀

兵防

郵政

倉儲

郵政

卷七

職官表

名宦傳

卷八

選舉表

辟舉 文武例仕

文武科目 封贈

貢生 世襲

學校畢業 恩廕

卷九

人物傳上

先賢

鄉賢

先正

文仕蹟

武仕蹟

卷十

人物傳上

孝友 忠烈

卷十一

人物傳上

義行

卷十二

人物傳上

文學 隱逸

卷十三

人物傳上

方技 耆壽

流寓

目錄

卷十四

人物傳下

列女 后妃

節婦

卷十五

人物傳下

列女 節婦

卷十六

人物傳下

列女 烈婦

孝婦

淑媛

貞女

烈女

孝女

卷十七

藝文志上

著述 金石

卷十八

藝文志下

輯類文

詔勅
祭文

表疏
誌銘

碑記

論辨序引

卷十九

藝文志下

輯類詩

賦頌
古樂府

古詩
歌詞

五七古

五七律

五七絕

卷二十

雜志上

災異

兵事

雜志下

方外

寺觀

志餘

兵事

秦

始皇二十三年王翦取陳夷爲縣

史記秦始皇本紀二十三年秦王復召王翦
翦起之使將擊荆取陳以南至平輿虜荆王

二世元年陳勝以兵入陳據之

史記陳涉世家陳勝自立爲將軍吳廣爲都尉攻大澤鄉狗斬
以東諸郡縣皆下之行收兵比至陳車六七百乘騎千餘卒數
萬人攻陳陳守令皆不在獨守丞與戰譙門中弗勝守丞死乃
入據陳數日號令召三老豪傑與皆來會計事三老豪傑皆曰
將軍身被堅執銳伐無道誅暴秦復立楚國之社稷功宜爲王
陳涉乃立爲王號爲張楚令陳人武臣張耳陳餘徇趙地周文
陳之賢人也嘗爲項燕軍視日事春申
君自言習兵陳王與之將軍印西擊秦

漢

太祖高皇帝五年冬十月王追項籍至固陵

通鑑綱目集覽固陵縣名晉灼曰即光州固始
括地志云固陵在陳州宛正西北四十五里

六年冬十二月帝會諸侯于陳執楚王信以歸

今西門曰平信以此

通鑑綱目楚王信初之國行縣邑陳兵出入人有上書告信反者陳平獻計請僞遊雲夢會諸侯于陳因而擒之帝以爲然乃告諸侯會陳吾將南遊雲夢因隨以行信聞之疑懼時項王故將鍾離昧亡歸信漢詔信捕之或說信斬昧以獻及上至陳信持昧首謁上上令武士縛信載後車至洛陽赦信封淮陰侯

更始元年岑彭從朱鮪定淮陽

後漢書岑彭傳彭爲大司馬朱鮪校尉從鮪擊王莽揚州牧李聖殺之定淮陽城鮪薦彭爲淮陽都尉更始遣立威王張卬與將軍徭偉鎮淮陽偉反擊走卬彭引兵攻偉破之

光武建武二年更始將蘇茂殺淮陽太守潘闓而附劉永

後漢書劉永傳永開更始政亂遂據國起兵攻下濟陰山陽沛楚淮陽汝南凡得二十八城光武遣虎牙大將軍蓋延伐永初陳留人蘇茂爲更始討難將軍與朱鮪等守洛陽鮪既降漢茂亦歸命光武因使茂與蓋延俱攻永軍中不相能茂遂反殺淮陽太守竊得數縣據廣樂而臣于永承以茂爲大司馬淮陽王

靈帝中平元年皇甫嵩朱雋討破陳國黃巾

後漢書皇甫嵩朱雋傳嵩雋乘勝進討汝南陳國黃巾破之

獻帝興平二年曹操畧陳地

三國志太祖紀興平二年冬十月天子拜太祖兖州牧十二月兖州平遂東畧陳地

建安二年袁術殺陳王寵

後漢書袁術傳術率兵擊陳國誘殺其王寵三國志武帝紀建安二年秋九月袁術侵陳

晉

懷帝永嘉四年劉聰遺其子粲畧陳

晉書劉聰載記封其子粲爲河內王遣粲及其征東王彌龍驤劉曜等入洛川遂出轅轅周旋梁陳汝潁之間陷壘壁百餘

夏帝興寧二年慕容評圍陳郡陷之

晉書哀帝紀二年春二月慕容評將慕容評侵汝南又進圍陳郡太守朱輔嬰城固守後王師敗績于懸瓠朱輔退保彭城五月遷陳人于陸以避之晉書慕容評載記興寧初評復使慕容評寇許昌懸瓠陳城並陷之遂畧汝南諸郡徙萬餘戶于幽冀

孝武帝太元十二年翟劭寇陳

晉書

卷之三

卷之三

卷之三

卷之三

晉書武帝紀十二年春正月翟遼遣子釗寇陳頴朱序擊走之
共討之翟遼又使其子釗寇
陳頴序還遣秦膺討釗走之

北魏

孝明帝孝昌三年陳郡民劉獲鄭辯反

魏書孝明帝紀三年秋七月陳郡民劉獲
鄭辯反于西華年號天授州軍討平之

武泰元年梁豫州刺史夏侯直攻陳

魏書源子恭傳梁豫州刺史夏侯直遣四將率衆三
萬人圍南頓北攻陳頃子恭遣軍禦之直兵奔退

隋

煬帝大業十一年賊帥盧明月寇陳

隋書煬帝紀十一年冬十月壬申賊
帥盧明月聚衆十餘萬寇陳汝州

十三年淮陽太守趙佗以城降李密

隋書煬帝紀十三年夏四月光祿大夫裴
仁基淮陽太守趙佗等並以衆叛歸李密

唐

德宗興元元年曲環及李希烈戰于陳州敗之

新唐書德宗紀元年冬十一月癸卯劉洽那隴行營節度使曲環及李希烈戰于陳州敗之新唐書曲環傳李希烈陷汴州環守寧陵戰陳州斬賊三萬五千級擄其將崔崇暉進檢校工部尚書兼陳州刺史希烈平敗陳許節度賜封三百戶二州比爲寇衝民苦剽掠客他縣環勤身節用寬賦歛簡條教不三歲歸者緜係訓農治兵穀食豐衍新唐書劉昌傳李希烈攻陳州昌從劉玄佐以浙西兵三萬救之西去陳五十里昌薄其軍大戰破之禽賊將翟曜希烈奔還蔡州

貞元十六年五月韓全義及吳少誠戰于廣利城敗績全義退保澠水汴宋徐泗淄青兵走陳州

新唐書劉昌裔傳昌裔爲陳州刺史韓全義敗于澠水引軍走陳求入保昌裔登陴揖曰天子命君討蔡何爲來陳且賊不敢至我城下君其舍外無恐明日從十餘騎持牛酒抵全義營勞軍全義不自意迎拜歎服新唐書吳少誠傳帝詔夏州節度使韓全義爲淮蔡招討處置使上官說副之詔將皆受節度與賊吳少陽等戰廣利城復敗退營五樓爲賊所乘遂大潰全義及監軍賈英秀等夜逃保澠水汴宋徐泗淄青兵走陳州少誠薄澠水而營全義懼退保陳而淄滑河陽河中兵逃歸惟陳

佳陽縣志

卷之二十一

雜志上

兵事

七

許將孟元陽神策將蘇光榮壁激水少誠引兵去

僖宗中和三年八月黃巢秦宗權寇陳州

新唐書趙傳黃巢入長安所在盜興陳人詣節度府請為刺史表于朝授之既視事會官屬計曰巢若不死長安必東出關陳其衝也乃培城疏壁質倉庫峙藁薪為守計民有資者悉內之繕甲兵募悍勇悉補子弟領兵巢敗果東奔賊將孟楷以萬人寇項攀擊禽之巢間楷死驚且怒悉軍據激水與秦宗權合兵數十萬綴長壕五周百道攻之州人大恐攀令曰士貴建功立名節今雖衆寡不敵男子當死地求生徒懼無益也且死國不愈生爲賊乎吾家食陳祿祿嘗破賊以保城異議者斬衆聽命引銳士出戰屢破賊巢益怒將必屠之乃起八仙營于州左僭象宮闕列百官曹署儲糧爲持久之計宗權輸鎧仗軍須賊益張犂小大數百戰勝負相當故人心固乃問道乞師于朱全忠未幾汴軍至壁西北陳人思舊犂引兵急擊賊破之圍凡三百日而解巢雖敗宗權始熾器地數千里屠二十餘州惟陳賴犂獨完五代史梁本紀中和三年三月拜全忠洙州刺史是歲黃巢出藍田關陷蔡州節度使秦宗權叛附于巢遂圍陳州徐州州時溥爲東面行營兵馬都統會東諸鎮兵以救陳陳州刺史趙犂亦乞兵于全忠溥雖爲都統而不親兵四年全忠自將救犂率諸鎮兵擊敗巢將黃鄴尚讓等犂以全忠爲德始附屬焉

文德元年正月蔡將石璠寇陳州朱全忠遣將禽之

通鑑綱目蔡將石瑋寇陳壽朱全忠遣朱珍葛從周將兵擊禽之詔以全忠爲都統代時溥諸鎮兵皆受節制

五代梁

末帝貞明六年陳州妖賊母乙反

五代史梁本紀末帝貞明六年秋七月陳州妖賊母乙自稱天子冬十月母乙伏誅

龍德元年陳州刺史惠王友能反

五代史梁本紀末帝龍德元年春三月陳州刺史惠王友能反夏五月友能降

宋

高宗建炎元年都統制王淵討淮寧盜杜用殺之

通鑑綱目自宣和末羣盜竄起淮寧之杜用山東之李昱河北之丁順皆擁兵數萬李綱乃白遣淵等分討之淵殺杜用

二年春二月金人陷淮寧守臣向子韶死之

宋史忠義傳金人犯淮寧子韶率諸弟守城輸士民曰汝等墳墓之國去此何之吾與汝當死守時有東兵四千人第三將岳景綬欲棄城率軍民走行在子韶不從景綬引兵迎敵死金人晝夜攻城子韶親擐甲冒矢石遣其弟子率赴宗澤乞援兵

未至城陷子韶率軍民巷戰力屈被執金人坐城上欲降之酌
酒於前左右抑令屈膝子韶直立不動戟手責罵金人殺之其
弟新知唐州子褒朝議即與諸子弟等皆遇害惟一子鴻六歲
得存事聞賜謚忠毅淮寧初陷時楊時聞之日子韶必死矣蓋
知其素守云

三年春正月盜張用王善寇淮寧

通鑑綱目用善駐京西連亘數州自京西至光壽據千里之地
兵馬接迹不斷據掠糧食所至一空宋史建炎三年正月乙未
張用王善復畔杜充遣桑仲討之
軍敗轉寇淮寧守臣馮長寧卻之

四年冬十月淮寧鎮撫使馮長寧叛附劉豫

宋史建炎四年九月劉豫僭位
國號偽齊馮長寧以淮寧附之

紹興七年冬十月金人分戍陳蔡諸郡

通鑑綱目金人欲廢劉豫乃建元帥府
於太原復分戍陳蔡汝亳潁許諸郡

十年夏六月岳飛遣張憲復淮寧府

通鑑綱目飛遣張憲敗金韓常于潁昌又復淮寧府 宋史岳
飛傳紹興十年金兀朮入東京知淮寧府李正民以城降飛遣

將經畧淮甯等郡部將張憲復淮甯府飛令統制趙秉淵知
事金人復圍淮甯趙秉淵棄城歸飛遣孫顯大破金人千陳
界李山史貴韓直敗金人于淮甯

三十二年春三月金人攻淮甯守臣陳亨祖死之

宋史紹興三十二年三月癸丑金人圍淮甯府守臣陳亨祖死
之成閔遣統制杜彥敦淮甯敗金人于項城縣戊午金復陷淮
甯統領戴規戰死成閔還朝

金

哀宗天興二年夏四月陳州都尉李順兒殺行省粘葛奴申及招

撫使劉天啟

金史李順兒者陳州防禦使粘葛奴申下振武都尉奴申由任
子入官登策論進士天興初倖開封以嚴幹稱時兵戈搶攘道
路不通軍民皆避他郡策孤騎由間道以往陳始立州府擇官
吏明號令完城郭繕廬舍實倉廩備器械流亡數十萬口一時
完聚市肆喧闐京城遺民望而歸者不絕皆指爲東南生路哀
宗馳使褒諭改陳州爲金興軍即以申爲節度使俄拜行省參
知政事立建威來猪冀虎威蒲察合達振威王義舉殺完顏某
及順兒凡五都尉司以將其兵時交戰無虛日大軍十餘萬州

糧有盡與官屬謀月減所給一斛人心稍怨順兒等因畜異志遣人結搆崔立奴申知其謀常以兵自防及聞元兵往朱仙鎮市易奴申遣五都尉軍各二百令崔都尉將之襲項城衆遣孫鎮撫者召順兒議事欲因此行襲殺之孫至其家順兒已知援甲而待孫色動即出門奔去順兒追殺之乃上馬引軍入省語軍士曰行省尅減軍糧汝輩欲飽食則從我不欲則從行省奴申聞變走追殺之並殺其子姪婿及鄉人王都尉劉提控即解奴申虎符以與順兒令五都尉軍皆甲以守街衢自稱行省署元帥都尉復以劉提控語不順就坐中斬之翌日遣尅石烈正之送款于汴立遣其弟倚就加順兒淮陽軍節度使行省如故未幾虎威都尉蒲察合達與高元帥者盡殺順兒之黨舉城走蔡州元兵覺追及孫家林老幼數十萬少有脫者

元

順帝至元三年春二月汝寧人胡閏兒反焚陳州

元史至元三年二月河南汝寧人胡閏兒攔犇以燒香惑衆反予信陽州破鹿邑焚陳州屯營于杏岡四年夏四月己卯河南執胡閏兒械至京誅之

明

太祖洪武元年三月大將軍徐達取陳州守將左君弼以城降

明史紀事本末卷之六十五 明太祖即位

世宗嘉靖三年冬十二月己酉流賊王堂焚掠州境至柘城官軍

迎敵大敗

三十二年歸德盜師尚詔反調陳州衛兵討之

明史世宗本紀三十二年秋七月庚午河南賊師尚詔陷歸德及柘城鹿邑八月丙申師尚詔攻太康官軍與戰于鄆陵敗績冬十月庚子師尚詔伏誅

神宗萬曆二十年春三月大同班軍鼓譟索糧指揮青若水撫諭之始解去尋奉旨梟首惡四人于景樓

懷宗崇禎七年冬十一月李自成陷陳州

明史莊烈帝本紀七年十一月乙酉洪承疇兼攝五省軍務是冬陝西賊分犯湖廣河南李自成陷陳州

十五年三月李自成陷陳州睢陳道關永傑死之

明史忠義傳關永傑鞏昌衛人好讀書每遇忠義事輒書之壁狀貌奇偉類世人所繪壯繆侯像登第後授開封推官遷兵部